

黔南叢書

第四集第八冊

黔南叢書第四集

枯桐閣書

據鄒瑞人氏重慶印本校印

枯桐閣詞序

詞雖小技于道未尊然發而中節言之成文應清濁之
二均追權輿於五際信古詩之支流離騷之別派已上
溯南唐下及金元洎乎國朝作者輩出乾嘉以後地有
名家吾友長洲顧幼耕興文朱帽君是其選也其晚出
而早工者則有仁懷張子藥農世之論者每因材地故
作低昂涇渭乎調之短長冰炭乎宋之南北美周秦則
彈劉蔣諛姜史則詆蘇辛豈知樂譜中聲言歸先正相
馬者賞其神駿畫鷹者陋彼凡才有目者盡識子都捧

心者無多西子蓋有獨至之詣而後有必傳之作子厚
不苟昌黎大慚此言雖大可喻小焉朱顧二君雅善言
情無暇寫景而善藏其拙適見其巧鄙人所病亦復如
是乃自諱其短未見已長嘗相謂曰才由天賦言爲心
聲才之大者無可無不可言之至者有能有不能翳我
二人道各不同其趨則一將得天之未優限人以偏至
耶如古所稱融情景於一家會句意於兩得者非我藥
農疇克當之夫蘭生空谷自別於蕭艾鳳巢丹山共矜
其毛羽藥農戚朱而友顧尤暱於賤子者垂二十年當

江山勝地春秋佳日東下同舟北征聯騎留連光景讓
子風流悱惻情懷容吾跌宕已足嘗鼎一臠窺豹一斑
既而投筆從軍下馬殺賊犴鳥蠻花之地呼雲喝月而
行往往杯泛尉遲歌翻勅勒一篇跳出五采相鮮又或
情移花鳥味飽蓴鱸發山水之清音狀薜蘿之幽趣笛
家入詠樵唱斯傳加以秋士多悲美人遲暮地厚天闊
弔夢歌離鶴歸華表以千年桑栽東海而三淺女王國
大看番舶西來望帝魂歸聽木蘭花落長言不足寓言
十九璠樓玉宇忍寒終是愛君弄筆描花玩物何嘗喪

志况復工於比興妙於語言花顧五莖香生九竅搏沙
不散盡成歡喜之丸割臂新盟永結綢繆之印疊爲箴
弄貌出柔儀現女人身付小鬟唱又何止玉笙雞塞僅
工感愴之詞約指哀箏可叶紇那之曲已耶香也年臻
大衍苦未知非學賦小言何堪自是屢以衰遲老病廢
我嘯歌兵燹摧殘喪其著述每與藥農無聊慰藉相對
汎瀾今者窮陰沍寒塞向瑾戶暫息勞人之駕同居菽
水之園補疇昔之蹉跎通旦暮於宙合覽君新詠觸我
舊懷臨去秋波何時見性吹皺春水底事干卿所思若

爲平生無我卿當獨秀藥農行將膏車秣馬聽鼓應官
因後會之難知遂倚裝而乞序重違其意爲述斯文且
媵以詞徒觀其擇言尤雅下筆不凡絕豔驚才回腸蕩
氣求之當代殆罕其儔而目論者方以爲客美徐公豔
誇臣里阿其所好積不能平則安得飛奇肱之車縮長
房之地偕我朱顧二先生來結歲寒之盟共作奇文之
賞以見斯人之自有真而證賤子之不失聽也其可乎
其可乎宜賓汪香祖

...

錯綜長短之句權輿聲詩抑揚南北之音流衍謳曲勾
鈎倨矩是謂雅詞其或溺性妍華矜奇里耳靡曼者輒
類淫哇猛厲者率多浮響迷方莫指風義日乖由是舊
譜濫於伶工大晟蔑如小技矣慨自入秦以來倚聲罕
覩協律無徵花間尊前徒懸想像乃遲之久而遇藕村
趙子於前遲之又久而識藥農張君於後新知乍得故
交已逝惜雙璧之難合幸孤琴之復張豁我塵蒙裊裊
一快維時藥農縮綬清軍別構精舍招邀勝侶酣詠其
中敲詩鉢以度腔借酒籌而按拍喁于相繼舞蹈若狂

囂囂然不自知其坐官閣臨市闐也蓋其生平篤嗜古

樂雅尙騷經感事憂時鬱爲哀艷緣情體物闡入幽微

詞源述夫五音才調紹乎三影鈇捩鐘呂蕩滌金粉青

衫神逸紅牙韻饒僕也從司馬物外之遊涉成連海上

之想聽鼓少暇時偕賞音所嗟茗晨觴夕爲歡幾何嶺

樹江花別恨無旣煙月寥寂荏苒七稔攬轡迨返旋移

漢南班荆緣慳迴隔華下顧暗香疏影誦言白石淺斟

低唱願共屯田方謂同官一方治比千里郵筒互達曷

阻贈投井處傳歌遙聆磬欵不圖蘭盟待續薤露俄晞

一片琳琅飄然飛墮嗚呼昔序藕村小石帚詞今題藥
農枯桐閣稿皆以金荃在御宿草已列濡淚綴墨悲逾
誅銘忍吹周勃之簫淒斷山陽之笛悠哉永夜渺爾陽
春然而月湖之漁唱常新思曼之風流宛在宮商抗墜
妙領吟餘興象空靈光流簡外回望雲中笙鶴其猶徘徊
於黔山蜀水間乎同儕既屬弁言又以脫漏命補夫
人志趣攸寄叶屬各殊強效捧心之顰翻貽續尾之誚
零珠碎玉亦自足寶郭公夏五仍其闕文可耳更闌罷
哦恍疑夢寐梁月獨照掩卷歛歔丁丑季夏九日山人

謝質卿撰於潼商道署之雙清齋

予嗜倚聲曩客京師與鄉人王佑遐給諫况夔笙舍人相唱和二子者皆工詞負盛名所著詞久已流傳海內而佑遐尤嗜刻古今人詞搜秘闈幽如恐不及猶記臨別語予曰他日見佳篇毋吝寄予廿年游蜀無以應也

庚戌與鄒瑞人大令權鹽釜川一日瑞人出其外舅張藥農先生枯桐閣詞稿見示一見驚爲南宋人作歸而挑燈展誦聲出琅琅一若先生之言皆予所欲言而未言者其契合豈偶然耶瑞人爲言先生生有自來負絕塵之才早與勝流不可一世一官入秦未竟其用而卒

是可悲矣諸女皆工詞翰第四女痛先生不祿不嫁尤以孝稱茲稿乃其所手錄而僅存者觀其寄慨身世閑雅有節酒邊花下一往情深而忠君愛國之忱亦往往於言外見之洵風雅之替人豈近今所易覲惜乎與佑遐並世而不一遇也今佑遐宿草矣瑞人爲先生佳壻闡幽之責非其責歟瑞人屬予序而付之手民予不敢辭兼以詞媵竊幸有以慰先生於地下復憾吾佑遐不及見而夔笙浪游天涯蹤跡靡定亦無從寄與抑又增予離索之感已宣統二年嘉平上浣臨桂鄧鴻荃

枯桐閣題詞

浣溪沙

臨桂 鄧鴻荃 兩人

樂府新詞錦織成
含商刻徵一聲聲
歌筵齊爲按銀箏
衰草微雲秦博士
曉風殘月柳耆卿
嗣音留與後人

評

枯桐閣詞稿

黔南叢書第四集

仁懷張鴻績箸農著

浣溪沙

自題所居池館

山外春雲拂檻低
乍晴池館燕爭泥
東風搖漾畫簾垂
天放新晴明遠岫
松傳清籟落前谿
江山信美不如

歸

江月晃重山

花發宵娘堤畔
月明宋玉墻東
朝朝相見
臉先紅
分明甚不似夢兒中
往事風流雲散
畫樓人去
塵封鸞牋

疊疊恨重重頻寄與當日悔匆匆

高陽臺

敗竹敲風衰荷咽雨一溪破碎浮萍冷澹情懷愁看鶯
燕寧丁癡魂枉覓花前夢可憐宵睡也何曾最銷魂鶴
唳遙空蛩語孤燈 高樓望斷傷心眼任百千萬里一
兩三層悶損柔腸誤他往日深盟玉簫縱有重來分怕
重來不似今生滿平林落日寒鴉天地無情

四字令

溪山雨收橫塘乍秋誰家今夜扁舟向烟波弄愁
鶯